



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Վ. Փ. Փ. Ջ. Ե. Ե.

Վ Ի Շ Ա Պ

Ե Ի

ՈՒՐԻՇ ԶՐՈՅՑՆԵՐ

№ 15

ԳՐՆՆ Է 5 ԿՈՊ.

Հրատարակութիւն
ԹԻՓԼԻՍԻ ՀՐԱՏԱՐԱԿՉԱԿԱՆ
ԸՆԿԵՐՈՒԹՅԱՆ

ԹԻՓԼԻՍ

Տպարան «ՀԵՐՄԷՍ», Մաղաթեան փողոց 15.

1901

60067

№2 8 SEP 2013



Վ Ի Ղ Ա Պ

I

Վաղուց, երևի դարերից 'ի վեր, այդ մաքուր և յորդառատ ջուրը, որ բղխում էր լեռներից—գնում էր ոռոգելու ստորոտի դաշտերը, դարձնելով նրանց հարուստ անտառներ, պարարտ, արդիւնաբեր արտեր և գեղածիժաղ մարգագետիններ:

Քաղաքի նմանող մի գիւղ ծաղկում էր ջրի ափերին: Ծառաստան ու այգի զարգարում էին նրան. երկիրը լի ցընծութեամբ, արտադրում էր շատ բարիք և մարգիկ երջանիկ էին այնտեղ, հաւասարապէս վայելելով ջրի բաշխած հարստութիւնը, ճաշակելով նրա արդիւնքը:

Վաղուց, գուցէ դարերից 'ի վեր էր, որ այդ մաքուր ու յորդառատ ջուրը ոչ ցամաքում էր, ոչ դադարում, ոչ էլ պակասում: Գարնան յորդանում

Дозволено Цензурою, 29 Апрель 1904 г. Тифлис

էր, մի քիչ պղտորւում, սակայն տար-
ւայ ամեն եղանակին կար նա, հոսում
էր անընդհատ, խաղում ավերի հետ,
ոռոգում նրանց:

Բայց դա երկար չը տևեց:

Մի օր էլ յանկարծ խուլ յուզում
առաջացաւ նրա ավերի վրայ: Մարդիկ
իրար անցան, խմբւեցին, ավիը գննելու
իջան և սիրտը դող եղած՝ վճռեցին, որ
ջուրն սկսել էր նւագել: Թէև սակաւ
առ սակաւ, բայց արագ կերպով նւա-
զում էր, ավերը թողնում և բոլոր ար-
տերին ու մարգերին ոռոգելու չէր հաս-
նում:

Նկատուել էր այդ: Այդպէս եթէ
գնար, մի քանի տարուց յետոյ ջուրը
նչ միայն կէս կարող էր լինել, այլև
գուցէ բոլորովին դադարէր:

Եւ այն ժամանակ ի՞նչ պիտի լինէր
գիւղացիների դրութիւնը: Չէ՞ որ ար-
դէն սկսում էին չորանալ արտերը, բերքը
նւագել. այգիները, ջուր չ'ունենալուց,
պապակել-խամրել էին, ծառաստաննե-
րը կորցնում էին աճելու ոյժը և մար-
գագետիններն այլ ևս չէին ժպտում ա-
ռաջւայ պէս՝ իրենց թաւշանման ջրեղ
տարածութեամբ:

Ամբողջ երկիրը ոչնչանալու էր
սպառնում: Պէտք էր մի ճար մտածել,
չրի սպառելու դէմն առնել:

Բայց դրա համար, ամենից առաջ,
հարկաւոր էր նոր փորձանքի պատճառը
որոնել և գտնել:

Եւ հաւաքւեցան գիւղացիք խոր-
հրդի, յետոյ բաժանւեցին, լեռներն ե-
լան նախ ջրի ակունքը գտնելու և ապա՝
այն ամեն ճիւղերը հետազօտելու, ո-
րոնցից գետը առատանում էր և մե-
ծանում:

Մեծ գետ էր այն: Բուն ակը բըղ-
խում էր մութ, խոժոռ ժայռերով բեր-
նաւորւած լեռան կրճբից. ճանապար-
հին մօտ 4—5 տեղ, զանազան սարե-
րից գալով՝ խառնւում էին նրա հետ
խոշոր վտակներ և լեռնաշղթայի ստո-
րտում, խոր ձորակի մէջ այդ բոլորը
միացած՝ գնում էին ողողելու ներքին
դաշտերը:

Գիտէին այդ գիւղացիների խմբե-
րը, որոնք հետազօտութեան ելան:

Մի խումբը բռնեց ակունքի ճա-
նապարհը, միւսը ձորը մտաւ, մտածե-
լով, որ գուցէ լեռներից մի խոշոր ժայռ
զորւել—փակել էր ընթացքը և փոխել

նրա հեղեղատը: Երբորդ խումբը քայ-
լեց գլխաւոր ճիւղն 'ի վեր դէպի լեռ-
նաշղթայի ծործորները և երկու միւս-
ները բաներով ու թիերով զինւած՝ գնա-
ցին մաքրելու միւս ճիւղերի ակունքը,
ենթադրելով, որ լցել էին նրանք աւա-
զով և կամ փուխը բլրակներ փլած՝
լցրել էին նրանց:

Երկւոր, դաշտի բնակիչները լուրե-
րի սպասելով՝ միւս կողմից նկատում
էին, որ ոչ միայն ջուրը չէր մեծանում,
այլ աւելի և աւելի էր պակասում:

Խմբերից շատերն այդ միջոցին,
յոգնեցուցիչ, տաժանելի ճանապարհնե-
րով քայլեցին վտակներն 'ի վեր: Ո՛չ
մի հողաթումբ չէր փլել, ոչ մի ժայռ
չէր գլորւել, ջրերի հեղեղատները չէին
փոխւել: Միայն նկատեցին, որ նոյն իսկ
փոակները փոքրացել էին. իսկ թէ որ-
տեղ էր անհետանում ջուրը կամ ի՞նչ-
պէս, ի՞նչ ճանապարհով—ոչ ոք իմա-
նալ չը կարողացաւ:

Ու տասնևհինգօրեայ մեծ շրջագա-
յութիւնից յետոյ, բոլոր խմբերը կետ-
րոնացան ակունքի մօտ և խորհրդի
նստան:

—Ակներև է. ասաց մէկը.— ջրերը

պակասում են գետերից. բայց թէ ի՞նչ-
պէս կամ ո՞ւր են գնում—մենք այդ իմա-
նալ չը կարողացանք:

—Ինձ թւում է, խօսեց մի ուրիշը,
—որ վտակների տակ անդունդ է գոյա-
ցել և կլանում է ջրերը:

—Պտոյտներ պիտի լինէին կամ
որևէ այլ նշան, առարկեց մի երկրորդը.
—մինչդեռ ոչ մի այդպիսի նշան չը
կայ, որքան մենք կարողացանք ուշա-
դրութեամբ հետազօտել:

—Այո, չը կայ. բայց կայ այն
փաստը, որ ջրերը կլանւում են և մի
ամբողջ հասարակութեան ծարաւ թող-
նում:

—Գուցէ անյայտ չարագործներ,
ստորերկրեայ, վարպետութեամբ շին-
ւած ճանապարհներով գողանում են նը-
րանց, ջայտարարեց մի փորձառու գիւ-
ղացի:

—Այդպէս բանի նշանն էլ չը կայ:
Եւ երկար միճում էին, թեր ու դէմ
կարծիքներ, զանազան ենթադրութիւն-
ներ առաջադրում: Առաջարկում էին
երազային, երեխայական, առժամանա-
կեայ միջոցներ, սակայն իսկոյն գլա-
նում, որ դրանցից ոչ մէկը երկարատև

չէր կարող լինել և եթէ նոյն իսկ յա-
 ջողէին մի տարի, հսկայական ոյժ գործ-
 դնելով ջուրը ամբարել, դաշտերին բա-
 ւականացնել — այնուամենայնիւ ջուրը
 պակասում էր և կարող էր լիովին դա-
 դարել:

Եւ երբ այդպէս տաք վէճի մէջ էին,
 յանկարծ մի երիտասարդ, որ յայտնի
 էր հայրենակիցների մէջ որպէս այլան-
 դակ մտքեր արտայայտող, ֆանտագեօր
 և խենթ, գոչեց այն կողմից.

— Լսեցէք թէ ինչ կասեմ ձեզ, եղ-
 բայրներ... Մեր ջրերը կլանողը ո՛չ այլ
 ինչ է — եթէ ոչ՝ մի վիշապ, որ բուն է
 դրել այդ լեռներում և հետզհետէ սպա-
 ուում է մեզ կեանք տւող աղբիւրները...
 Մի վիշապ է այդ...

Բարձրացաւ ընդհանուր քրքիջ. յե-
 տոյ ծաղրի կարկուտ թափւեց խենթի
 գլխին: Բայց սա անվրդով՝ գոչում էր
 անդադար և հետզհետէ աւելի հաստա-
 տուն ու վճռական.

— Կրկնում եմ ձեզ, եղբայրներ, մի
 վիշապ է այն, որ մտել է մեր լեռների
 մէջ. շուտով եղած ջուրն էլ կը չորաց-
 նի և պիտի տեսնէք, կլանելով պիտի
 մեծանայ, ծարաւը պիտի աճի, խմելու

փափագը պիտի աւելանայ և այլ ևս
 ջուր չը գտնելով, պիտի գայ մեր ա-
 րիւնը խմելու...

Այդպէս խօսեց խենթ մարդը և
 նրա եղբայրները ո՛չ միայն ծաղրեցին,
 այլ և նախատեցին նրան, ջանացին
 լռեցնել, յետոյ ապտակեցին, ծեծեցին
 և խտիպեցին, որ դադարէր յիմարու-
 թիւններ ասելուց:

Բայց նա գոչում էր յամառու-
 թեամբ.

— Վիշապ է այն, եղբայրներ, ա-
 սում եմ ձեզ. քանդեցէք ակունքը և կը
 տեսնէք, հետագօտեցէք, խորքերը մտէք
 և պիտի հասկանաք... Ծնել է նա, այս
 էս եմ ձեզ ասողը, կարճամիտ եղբայր-
 ներ... և ծնել է նա մեր միջից, մե-
 զանից է ծնել...

— Մեզնից է ծնել, գոչեց բարկա-
 ցած գիւղի իշխանը. — ասում ես՝ մեզ-
 նից... Խենթ, ասա տեսնենք, մի յի-
 մարութիւն էլ ասա և յայտնիր մեզ թէ
 ի՞նչ կին է այն, որ վիշապ է ծնում և
 կամ ո՞րտեղից, ինչո՞ւ ծնաւ նա:

Ու ծիծաղում էին, որովհետև ո՛չ
 ոք չէր լսել, որ մարդկանցից կարող էր
 վիշապ ծնել և այդ վիշապը, մի ամբողջ

գետ կլանելուց յետոյ, կարող էր ելնել
և մարդկանց արիւնը խմելու գալ:

— Խօսիր, գոչեցին գիւղացիք խեն-
թին. — տեսնե՞նք, գուցէ քո մայրն է
ծնել այդ երեակայական վիշապին, եթէ
միայն նրան ծնողը քո հիւանդ ուղեղը
չէ: Խօսիր, ի՞նչից է ծնել նա:

— Ձեր քրտինքից... մըմնջաց խեն-
թը և այնուհետև այլ ևս չը խօսեց:

Եւ ինչո՞ւ խօսէր. միմեանց ետևից
միայն այլանդակութիւններ էր ասում: —
«Քրտինքից ծնած վիշապ» — դա մի այն-
պիսի խենթային միտք էր, որ հաւերի
ծիծաղն անգամ կը շարժէր, ի՞նչ մնաց
խելքը գլխին, փորձառու, շատ բան
տեսած գիւղացիների և պատկառելի
իշխանների...:

II

Ահա այդպէս էր, որ վիշապի գո-
յութեան միտքը ծնաւ մարդկանց մէջ:
Թէև շուրջ արդէն կէս էր եղել և սպառ-
նում էր շուտով մի առակ դառնալու,
սակայն գիւղացիք շարունակեցին ծի-
ծաղել երեակայական վիշապի վրայ և
ջրի նւագելը համարում էին բնական
ո և է պատճառի արդիւնք:

Բայց «խենթը մի քար գլորեց, հա-
զար խելօք չը կարողացան հանել»: Այդ-
պէս էլ եղաւ: Վիշապի միտքը — որքան
և խելօք մարդիկ ծաղրեցին — մեծացաւ,
համակեց ժողովրդի պակասամիտ դասի
միտքը: Տասնեակ տարիներ յետոյ, երբ
մեծ ջուրը այլևս մի չնչին առակ էր
դարձել, երբ ծաղկած քաղաքի նմանող
գիւղը կէս էր եղել և գեղածիծաղ այ-
գիւները, դաշտերն ու մարգերը չորա-
ցել էին, գտնուում էին խենթանման
մարդիկ, որոնք վիշապին համարում էին
ջրի պակասելու, ոչնչանալու մեղաւորը:

Քիչ կար, իրաւ է, բայց կար: Որ
և է գաղափար շուտ չէ մտնում ամբո-
խի մէջ, բայց երբ մտնում է, շուտ չէ
գուրս գալիս:

Գտնւեցան մարդիկ, որոնք վերջ
'ի վերջոյ վճռեցին գնալ դէպի ակուն-
քը, փորել, խորը մտնել և ստուգել վի-
շապի գոյութիւնը և եթէ կար նա —
սպանել և մեռնող երկիրը նորից կեն-
դանացնել, նրա անցեալ եռուն կեանքը
նորից աճեցնել:

Իսկ խենթը, որ դեռ կենդանի էր,
որ դեռ պնդում էր վիշապի գոյութեան
մասին, յանձն առաւ նրանց գլուխն

անցնել և երկիրը հարստահարողի դէմ կուի ելնել:

Ու ամբողջ գիւղը հետևեց նրանց: Ումանք—որովհետև գնացողների հայրերը կամ եղբայրներն էին և շատերը՝ որովհետև այդ հետազօտութիւնը շատ հետաքրքիր էր:

Եւ գնացին որոնողները երկար, օրերով ու շաբաթներով, հասան ջրի գլխաւոր ակունքին—խոժոռ լեռների, մեծ ժայռերի ստորոտը: Յետոյ բահերն ու բրիչները ցած դրին և նստեցին ծրագիր կազմելու:

Երբ խենթը տեսաւ, որ մարդիկ նստում են ծրագիր կազմելու, կանգնեց նրանց մէջ և ասաց.

—Օ՛, ո՛չ, եղբայրներ. մի նստէք հանգստանալու, քանի դեռ վիշապը կենդանի է. մի՛ ժողովէք երկար՝ ծրագիրներ կազմելու: Հարցը շատ պարզ է. ծնել է վիշապը, որ կլանում է մեր ջուրը և մեզ թողնում ծարաւ: Պիտի պեղել նրա եղած տեղը և նրա գլուխը ջախջախել: Սրանից պարզ ու կտրուկ միջոց չը կայ... Ոտքի ելէք և գործի սկսենք...

—Բայց չէ՞ որ, ասաց մէկը, —հար-

կաւոր է հաշւի առնել մեր ոյժերը, տեսնել թէ կարո՞ղ ենք ջախջախել վիշապին. գուցէ նա շատ մեծ և զօրեղ է և մեզ բոլորիս կարող է կլանել... .

—Օ՛, այո՛, ասաց խենթը. — երբ նա նոր էր ծնել՝ նրան սղանելը շատ աւելի հեշտ էր. բայց նա անա երկար ապրեց, մնաւ մեր ջրով. այժմ նրա ստամոքսը աւելի մեծ, կլանող բերանը աւելի լայն է դարձել և շատ դժւար է նրան ոչնչացնել առանց զոհեր տալու, առանց արիւն թափելու:

—Տեսնո՞ւմ ես, խօսեց մի գիւղացի. — ուրեմն մեզ՝ աւելի երկար պէտք է խորհել, ծրագիր կազմել, կուելու պատրաստել այդ հրէշի դէմ:

—Այո, բայց մինչ դուք կը խորհէք և ծրագիրներ կը կազմէք, նա կը զօրեղանայ, ամբողջ ջուրը կը կլանէ և մեզ բոլորիս ծարաւ կը թողնէ: Նա աճում և զօրեղանում է ժամ առ ժամ, նոյն իսկ բոպէ առ բոպէ:

—Ի՛նչ արած, առարկեցին շատերը. — պիտի խորհել, մտածել... .

Ու շարունակեցին խորհել, մտածել... .

Մնաց խենթը մենակ: Նրան չը

լսեցին, նրա շտապեցնելը ծիծաղելի գտան:

Եւ նա մենակ, առաւ բրիչն ու բահը, իջաւ լեռների խորքերը և փնտռեց վիշապին:

Ու գիւղացիք հեռու նստած, խորհում էին և ժպիտը դէմքին՝ դիտում խենթի աշխատութիւնը:

— Եթէ իսկապէս հրէշը կայ, աւում էր մէկը, — անպատճառ, իր շնչովն անգամ լինի, վայրկենապէս կը ոչնչացնի այդ խենթին:

— Ծիծաղելի կը լինի տեսնել թէ ի՞նչ այլանդակ դէմք պիտի ստանայ խենթը, դէմ առ դէմ գալով վիշապին:

Իսկ խենթը փորում էր, աշխոյժով փորում: Նրա բրչի հարւածից դղրում էր լեռը, թնդում գետինը: Եւ ժայռերի խորքում լսում էր խուլ մռնչիւն, որ քանի խենթի հարւածները արագանում էին, այնքան մեծանում էր:

— Հրէշն է... գունատ և դողդոջուն՝ գոչեցին գիւղացիք ետ ետ զնալով:

— Զգոյշ լինենք, խրատեց մէկը. — աւելի լաւ է հեռու կանգնենք և նախ տեսնենք թէ ինչպէս կը վարւի խենթի հետ...

— Մի պատառ կանի, դիտեց երկրորդը:

— Մի վայրկենում կը յոշոտի. չէ՞ք լսում թէ ինչ ձայներ են լսում խորքերից:

Եւ իրաւ, մռնչիւնը սաստկանում էր, զայրալից դառնում:

Հրէշը բարկանում էր, որ համարձակւել էին այդպէս խորերը մտնել և իրեն անհանգիստ անելու գալ:

Բայց խենթը պեղում էր. նրա բրչի շր ժայռեր էր դէս ու դէն նետում, քարեր գլորում և սուր ծայրովը խոր մղւում մինչև հրէշի բնակարանը:

Եւ այսպէս, մինչև երեկոյ, առանց դադար առնելու, փորեց խենթը, պեղեց, բրչի հարւածներ տաւ:

Եւ երբ երեկոյ էր դարձել — վերջին կարծր քարն էր ջարդում նա և նրա ականջները գրեթէ խլացել էին տակից դուրս նետւող վիշապի օռնոցներից:

Գիւղացիք սարսափած, գունատ և սրտատրով՝ հեռւից նայում էին այդ բոլորին և ոչ ոք սիրտ չ'արաւ մի քայլ անելու, խենթին օգնութեան ձեռք տալու: Ամեն ոք իր կաշւից էր վախենում,

ամեն որ կամենում էր վտանգից հե-
ռու լինել, թէկուզ ծարաւ, թշւառ ու
կիսամերկ մնալ միշտ:

Եւ երբ բըշի մի ուժգին ու ծանր
հարւածի տակ գլորւեց վերջին ժայռը,
ահաբեկ գիւղացիներին առաջ երևան
եկաւ հրէշի այլանդակ, սոսկալի
գլուխը, որ բերանը դէմ էր տւել բո-
լոր ջրերին և անկշտում կլանելով, ու-
ռում էր—հաստանում:

Իսկ եթէ դեռ հոսում էր քիչ ջուր,
դա էլ նրա բերնից, շրթունքների ան-
կիւններէից դուրս ելնող թափցուքն էր
միայն, խառն հրէշային գարշ լորձիւն-
քի հետ:

Հրէշը երբ տեսաւ բըիչը ձեռքին՝
իր գլխի վերևը կանգնած խենթին—
մոնչաց, կովային աչքերը ոլորեց դայ-
րալից և գոչեց որոտաձայն.

—Հեռու, յանդուգն, թէ չէ՝ կը ոչն-
չացնեմ... Քեզ նման խենթերի ես
շատ եմ կուլ տւել այն ժամանակւանից
'ի վեր, երբ առաջին մարդը ճնշեց իր
եղբորը, խլեց նրա ունեցածը. երբ կա-
յէնը սպանեց Աբէլին... Գնա, քանի չեմ
փոշիացրել քեզ, անմիտ... Քեզ նման
խենթերը թէև գտնում են ինձ, բայց

1001
4473
574

նրանք չեն կարող ոչնչացնել, այլ մի-
միայն անա այդ ամբոխը, որ այժմ ա-
հաբեկ՝ դողում է օաքերիս առաջ...


Եւ շարունակեց կլանել ջուրը:
Խենթը բարձրացրեց բըիչը, ուժ-
գնութեամբ օրօրեց և բուռն թափով
նետեց դէպի հրէշի գլուխը:

Բըիչը սուլեց, գնաց քիչ բերթե-
լու գազանի գլխի կաշին, բայց աւելի
ուժգնութեամբ կպաւ կողքի ժայռերին,
ջարդոտեց նրանց և հեռում դիտող
գիւղացիներից շատերին վիրաւորեց:

Այդ որ տեսան գիւղացիք, զայրա-
ցան, յուզւեցին, յետոյ խմբեցան, քա-
րեր վերցրին և քարկոծեցին խենթին:

Իսկ հրէշը մի մեծ քրքիչ արձա-
կեց և ասաց.

—Տես՞ք, մարդիկ. տես՞ք, որ այդ
խենթերը ինձ դէմ կոււելով՝ միմիայն
ձեզ են վրասում: Քարկոծեցէք այդ
տխմարներին. ձեր թշնամիներն են, ձեզ
մոլորեցնողներն են դրանք... Մինչդեռ
ես եմ ձեզ կերակրողը, ձեր բարե-
բարը... և որովհետեւ եկել էք այժմ ինձ
խնդրելու, ահա խոտանում եմ, որ էլ
աւելի բարի կը լինեմ դէպի ձեզ, ծա-
րաւ չեմ թողնիլ, որովհետեւ շրթունքներս



անկիւն ունին և անկիւններից ձեզ բա-
ւականացնելու, ձեզ ծարաւութիւնից
չը մեռցնելու շուր թափւում է...

Եւ գիւղացիք դողալով՝ լսեցին հրէ-
շի այդ բարեսիրական խօսքերը: Քար-
կոծեցին, լեռների բարձունքները քշե-
ցին խենթին, յետոյ ծունկ չոգած՝ շնոր-
հակալ եղան հրէշից և ուրախ՝ վերա-
դարձան գիւղը:

— Խոստանում եմ, — աւելացրել էր
հրէշը, — ձեզ ծարաւ չը պիտի թողնեմ
և շրթունքներիս անկիւնները քիչ աւե-
լի կը բանամ, երբ դուք չափազանց
ծարաւութիւն զգար...

Ու այդ խոստումը, պիտի խոստո-
վանւել, մեծ ազնւութեամբ կատարում
է նա մինչև այսօր: — Շրթունքները եր-
բեմն քիչ աւելի է բաց անում, մեղ-
մացնելու համար այն ծարաւիներին, ո-
րոնք տառապանքներից պատրաստ էին
խենթանալ...

Այդ օրւանից ամբողջ պաշտում է
հրէշին, որպէս բարերարի, շինում է
նրա համար տաճարներ, իսկ նրա դէմ
խօսող խենթերին՝ քշում դէպի լեռների
բարձունքները...

Այստեղ կը վերջանար արդէն զը-
րոյցը, եթէ պէտք չը լինէր մի դէպք
ևս պատմել:

Այդ այն է, որ մի օր յայտնւեցան
մարդիկ, որոնք երազ էին տեսել՝ թէ
մօտ է, իբր թէ, հրէշի ոչնչանալու օրը
և թէ նրանք երազի մէջ տեսել էին
հրէշն սպանողին անգամ:

Ու նկարագրում էին այդ սպանո-
ղին, որ իբր թէ մի հուժկու մարդ էր
կաշէ գոգնոցով, կոշտացած խոշոր ձեռ-
քերով և ձեռքին մի մեծ կռան...

Պատմում էին այդ երազատեսնե-
րը, որ իբր թէ կաշէ գոգնոցով հական
մեծ քայլերով գնում էր դէպի հրէշը, և
որ վիշապը, լսելով նրա քայլերը, կձկը-
ւում էր և ճգնում աւելի խորը մտնե-
լու... Կարծես վախենում էր...

1903 թ.



ԿՈՐՍԻԱԾ ԱՐԴԱՐՈՒԹԻՒՆ.

Մի անգամ Արդարութիւնը անհետացաւ յանկարծ:

Ասենք, նա յաճախ էր կորսուում:

Սոսափելով իրեն ծիւրող, պատնիսի պատ խփող, լկող անձերից, յաճախ նա փախնում էր լեռները, պահուում աշխարհիս հեռաւոր անկիւններում: Բայց ամեն անգամ, այսպէս կամ այնպէս, յաջողում էր նրան գտնել, բռնել, վանդակի կամ սնդուկի մէջ դնել, ու զածին պէս գործածել... Հարչարել:

Այս անգամ սակայն, չը գիտեմ ի՞նչ հնարքով, Արդարութեանը յաջողւեց լաւ անհետանալ. այնպէս լաւ թազնւեց, որ մարդիկ աղօթքով, եզիտութեամբ, ոյժով կամ ոսկով իսկ անկարող եղան նրան գտնելու:

Սկսեց մեծ իրարանցում: Առանց Արդարութեան դժւար էր ապրել. մանաւանդ, որ նրա անհետանալով, բազմանում էին մարդկութեան «օգտակար»

շատ հաստատութիւններ և շատ աղտոտութիւններ, որպիսիք են— կեղծաւորութիւն, անիրաւութիւն, խաբէութիւն, արիւնհեղութիւն և այդպիսի շատ այլ թոյներ, որոնց այնքան լաւ դիմակաւորում էր Արդարութիւնը:

Եւ ահա Արդարութիւնը փնտռելու ելաւ նախ մի պատերազմիկ— ազնական: Շատ զօրք ժողովեց, վաշտ ու գունդ կազմեց և երդւեց, որ Արդարութիւնը իր ծակը մտած լինէր, պիտի հանէր և ձեռքն ու ոտը կապած պիտի մէջ տեղ բերէր:

Այդ պատճառով իսկ, ոտնակոխ տալով նա գիւղ ու քաղաք, արիւն սրփուելով դաշտ ու ձոր, ջարդեց, սրամաշ արաւ ամեն ինչ, տակն ու վրայ դարձրեց ամեն բնակութիւն, և այդպէս առաջ էր գնում, յուսալով բռնել Արդարութիւնը:

Նրանից յետոյ ճանապարհ ընկաւ Արդարութիւնը որոնելու մի շատ հարուստ—մեծատուն: Ոսկի ու արծաթ, զարդ ու զարդարանք բարձեց ուղտերի և վատան իր ոսկու վրայ, տնից դուրս եկաւ: Ասում են, որ մի քանի հատ էլ

սիրուն կանայք վերցրեց, որ ոսկու
փայլի վրայ՝ գեղեցկութեան հրապոյրն
էլ աւելացնէր:

— Կը տեսնէք, պնդում էր նա, —
Արդարութիւնը ոսկովս պիտի գնեմ, կա-
նանցով պիտի գրաւեմ և սնդուկիս մէջ
դրած՝ մէջ տեղ պիտի բերեմ:

Այդպէս էր ահա, որ Բոունցքն ու
Ոսկին գնացին Արդարութիւնը որոնե-
լու... և դեռ գնում են:

Թող գնան:

Տեսնենք այժմ, թէ ո՞վ էր այն եր-
րորդ անձը, որ խեղճ ու կրակ, ցնցո-
տիք հագին, ճակատը վշտերով խոր-
խոր աղօսած, մտածեց ելնել Արդարու-
թիւնը որոնելու:

Ասենք, ազնւականը սուր ունէր,
հարուստը՝ ոսկին. իսկ սա՞ ինչ ունէր,
ինչո՞վ պիտի գտնէր Արդարութիւնը:

Թշուառն էր դա: Բոլոր ընծաների
փոխարէն էլ, տարածն էր մի չնչին
սրւակ, որ ամուր կերպով սեղմել էր
կրծքին և յամառութեամբ ճանապարհ
ընկել: Բանն այն է, որ սրւակը լցրել
էր մի չը լսուած հեղուկով: Որբից՝ մի
արցունք, ընկածից՝ մի հառաչ, գործա-

ւորից՝ մի դառը քրտինք... մի խօսքով,
վշտերի արցունքներից մի մի կաթիլ
ժողոված, լցրել էր շիշը, պինդ փակել
և կարծում էր թէ տարածը անշուշտ
պիտի գրաւէր Արդարութիւնը:

Ու քայլում էր: Անցնելով մեծ-մեծ
քաղաքներից, խուլ հեռաւոր գիւղերից,
քայլում էր անխոնջ, ձորեր ցած իջ-
նում, լեռն 'ի վեր ելնում, ամեն քայ-
լափոխին էլ կանգ առնելով՝ կանչում.

— Ո՞ւր ես, Արդարութիւն:

Արդարութիւն չը կար, ոչ երևում
էր, ոչ էլ ձայն տալիս:

Անօթի, ծարաւ, յոգնած, վշտալից,
երկար թափառեց թշուառ ամեն ուղ-
ղութեամբ, սրտի վրայ սեղմած ունե-
նալով սրւակը, որի հեղուկը սկսել
էր եռալ և տաքանալ: Արդարութիւնը
սակայն չը խղճաց նրան էլ. ոչ երևաց
և ոչ էլ գոյութիւնը յայտնեց:

Վերջապէս, երբ յուսաբեկ, ուժա-
սպառ՝ հասել էր լեռան կատարին, նըս-
տեց մի ժայռի վրայ և սկսեց մտածել,
թէ իզուր էր Արդարութիւն որոնելը,
քանի որ նա խուսափում էր թշուառից
անգամ:

Եւ երբ այդպէս մտածեց, բարկացած հանեց ծոցից սրւակը ու խփեց ժայռին..

— Գնա՛ ոչնչացիր, գոչեց նա, իդուր են բոլոր վշտերն ու արցունքները. Արդարութիւնը թշւառին չէ սիրում..

Բայց հագիւ թէ սրւակը փշրւել էր, որ լսեց մի անեղ որոտում, հոսած արցունքներից թանձր ծուխ բարձրացաւ, փրփրաց, ոլորւեց և նրա միջից, անաբեկ թշւառի առաջ դուրս ցրցւեց մի անեղ հսկայ:

Սարսափած թշւառը ընկաւ երեսի վրայ...

— Ելիր, կանչեց հսկան մեծաձայն. ելիր և մի վախենալ:

— Ո՞վ ես դու, անեղ ոգի, հարցրեց թշւառը:

— Ե՛ս, գոչեց հսկան, — ես բողոքն եմ, որ ծնայ այդ թափած արցունքներից և որ պիտի աշխարհ բերեմ անհետացած Արդարութիւնը... Նայիր...

Ապա, արշալոյսի կարմրորակ լոյսի մէջ, ցցւեց հսկայի վեհ հասակը, դարձած դէպի բարձրութիւնները, ուր սկըսել էր մի փոթորիկ և ուր գետինն ամբողջ գողում էր զղրգիւնով:

Եւ հեռուն, հսկայի պարզած ձեռքի կողմը, մի կոյտ մաքուր ամպերի բացւածքից, երևան եկաւ թագնւած Արդարութիւնը — խորունկ, տխուր հայեացքով, առանց կշեռքի, առանց մեծ սրի:

— Ե՛կ, Արդարութիւն, կանչեց Բողոքը — ես ծնւել եմ և իմ ձայնը թող քեզ համար կշեռք ու սուր դառնայ. եկ, Արդարութիւն... .

Բայց Արդարութիւնը անշարժ ու տխուր նայեց նրան, նայեց թշւառին և ասաց:

— Դեռ ո՛չ... դեռ դու փոքր ես, գնա՛ քայլիր, կուտակիր արցունք, կուտակիր վշտեր, մեծացիր որպէս օվկեան, կատաղիր որպէս հեղեղատ և այն ժամանակ միայն ես կը գամ իմ սրով և իմ կշիռով... .

Ապա ամպը սահեց և Արդարութիւնը նորից անհետացաւ իր անմատչելի բարձրութեան մէջ... .

Այդ օրից անա, պատերազմիկ գօրեղը արիւնի մէջն է որոնում Արդարութիւնը, հարուստն՝ իր ոսկու և թրշւառը, նստած իր վշտերի մօտ, իր արցունքներով մեծացնում է Բողոքին, որ նա վերակոչէ աշխարհում՝ կորսւած Արդարութիւնը... .

ԸՄԲՈՍՏԻ ՄԱՀԸ

Անտառը յուզւած էր, յուզւած մեծապէս:

Խուլ, աճեցուն, գայրազին մի շըշուկ գրաւել էր նրան: Հսկայ կաղնիներ բուռն շարժումով կռանում էին դէպի հացիներ. թեղին ու լորին վրդովւած՝ շնչում էին: Թփերն անգամ, անձոռնի բաղեղներով գալարւած, ոտները ճահճի մէջ, գաղջ հողի վրայ պառկած՝ անհանգիստ էին... Անտառն ամբողջ յուզւած էր: Անսովոր մի դէպք էր տեղի ունենում այդ բաղմադարեան ճահճային աշխարհում, ուր ծառերը մինչև այդ՝ աճում էին, մեռնում, ուտում էին, ապրում, գիշութեան մէջ բորբոսնում, պարագիտներով լեցւում, բաղեղներով կաշկանդւում և ուր բոլորը գտն էին, ոչնչի չէին ձգտում:

Բայց ահա մի օր ծառերից մի քանիսը պատուել էին ամեն պատուտակ,

անցել ամեն ճահիճ և արմատները, փոխանակ ըստ վաղեմի աւանդութեան, դէպի ձորն ի վար իջեցնելու, սկսել էին դէպի լեռն ի վեր պարզել: Այդ անսովոր էր, խիստ անբնական և անտառն ամբողջ իզուր չէր յուզել:

Ի՞նչ... արհամարհել պապենական սովորութիւնը, թողնել ճահիճն ու ձորը, ձգնել ազատելու պատուտակներից և որ գլխաւորն է՝ դէպի լեռը մագլցել: Ինչի՞ նման էր այդ:

Նոր ծառերը սակայն, անվրդով, անզգայ կարծես այդ բոլոր յուզման՝ անցել էին գիշութիւնը, անցել գծւած սահմանը, գնում էին դէպի վեր՝ ոստնելով ժայռերի վրայից, արհամարհելով արգելքները, պատուելով հողի կուրծքը, և, որը առաւելն է, այդ ամբողջ նոր ճիւղաւորութեան ծայրում սկսել էր ծրնել մի առողջ, առոյգ և հպարտ ոստերով ծառ, որ վէսութեամբ նայում էր արևին, իր ոտների մօտ փուլած հին անտառին և իր հպարտ շարժումով՝ կարծես ծաղրում էր ճահճի մէջ ապրող հին ընկերներին:

— Դարձէք, խելայեղներ. գոչում էին հները:

— Խենթացել են, գոռում էին կաղ-
նիները:

— Կ'ոչնչանան. շնջում էին թը-
փերը:

— Իսկ նոր ծառը բարձրանում էր,
անյագ բարձրանում և բոլոր այդ աղ-
մուկի վրայ ժպտում ու զարձանում:

— Բայց այդ ուր ես գնում, մոլոր-
ւած, կանչեց վերջապէս մի հսկայ կաղ-
նի. — Ի՞նչ գործ ունիս այդ բարձրու-
թիւնների վրայ, ուր տիրում է սառնա-
մանիք, ուր քամին սոսկալի է, ուր ջուր
չկայ և ուր ժայռերը կոշտ են, ճանա-
պարհը դժւար . . .

— Բարձրանում եմ, ժպտաց նոր
ծառը:

— Բարձրանում ես, ապշեց մեծ
կաղնին. — Խենթ, ի՞նչ կայ բարձրանա-
լու մէջ, եթէ ոչ՝ միմիայն կորուստ:
Աւելի լաւ չէ՞ որ իջնես դէպի ձորը,
գետակի ափին՝ ուր սուեր կայ, առատ
ջուր, սննդարար հող և ուր քամին ան-
գոր է, կայծակն՝ անհասանելի . . .

— Բարձրանում եմ. յամսոեց ծա-
ռը և մի բոպէ իսկ կանգ չառաւ:

— Դու կ'ոչնչանաս! կանչեցին ծա-
ռերը:

— Բարձրութեան վրայ . . .

— Կայծակին զոհ կը լինես!

— Լեռների ծայրին . . .

— Դու անօթի կը մնաս, ծարաւ,
պապակւած!

— Բայց բարձր կը լինեմ . . .

Ու բարձրանում էր, անյագ բարձ-
րանում:

Անտառը ամբողջ այժմ լուռ, դող-
դոջուն, դարձած դէպի բարձրացող ծա-
ռը, սրտատրոփ դիտում էր նրա քայ-
լերը, ուրախանում նրա յաճախ ապար-
դիւն ճիգերի վրայ, չարամտօրէն ժրպ-
տում, երբ նա մի խոշոր ժայռի դէմ
էր առնում և նենգամիտ, կծու խօսքեր
նետում, երբ ծառը պապակւած ու յոգ-
նած՝ կանգնում էր շունչ առնելու և կամ
երբ քամին զօրեղ տարուբերում էր նը-
րան այս-այն կողմ, ծռում՝ գետնին էր
քսում, կամ տերևներն ու ճիւղերը մի-
մեանց խառնելով՝ գլխին դիզացնում . . .

Փչում էր քամին, այրում էր արևը,
անձրևն ու հեղեղները թրջում էին նը-
րան, ամպերը գլխին որոտում, փոթո-
րիկը նրան ժայռէ ժայռ խփում, կայ-
ծակը նրա շուրջը շանթիչ գծեր պար-
զում . . . և սակայն ծառը յամսու, ան-

դրդւելի՛ երևում էր երևում, և մշուշոտ,
բարձր կատարների ձգտում...



Եւ երկար, երկար տանջւելուց յե-
տոյ, կէս ճղակոտոր, տերևները կոր-
ցրած, յոգնած, ուժասպառ, խաղալիկ
քամիների, որոտումների տակ, կայծա-
կի գծերի մէջ, անձրևներով թրջւած՝
հասնում էր բարձր կատարը: Այժմ նա
մշուշին ցած էր թողել իր՝ ճահիճների
մէջ մնացած ընկերներին ծածկելու.
այժմ նա արևին էր տարածում իր թե-
ւերը, բայց այժմ քան երբէք՝ նա մե-
նակ էր, անընկեր, հեռու գետակից,
հեռու ձորակից:

Եւ չէր փսոսում: Այդտեղ, բարձ-
րութեան վրայ հանգչած՝ դմայլում էր
հեռաւոր հորիզոնով, փայլուն արևի տակ
ողողած լեռների կատարներով: Անձ-
րեր նրան ջուր էր տալիս, լեռան հողը՝
անունդ: Այդտեղ նա երազում էր իրե-
նից մի նոր, բարձր կանգնած սերունդ
ստեղծել, բռնել կատարը, արևի լոյսին
մօտ լինել, ամպերի խոնաւութիւնից հե-
ռու կենալ և ճահճային պատւանդանից
միշտ ազատ մնալ:

Իսկ ցածի անտառը նայում էր դեռ

նրան ծիծաղելով, նայում էր մենաւո-
րին, խենթուկին ու ասում.

— Կ'ոչնչանայ. կայծակը կը փշրի
նրան, քամիները կը կործանեն յան-
դուգնին...

Գալիս էին քամիները, փշրում նրա
ճիւղերը, ցրիւ տալիս տերևները. գա-
լիս էր անձրև, մերկացնում նրա ոտը,
ճիւղն արմատները հեղեղների տակ ո-
ղողում. գալիս էր և՛ կայծակը, աղ-
մկում, վժժում, շրջակայ ժայռերը ցըն-
ցում, այս-այն թփիկն այրում—սևաց-
նում և գոչում ծառին:

— Յանդո՛ւգն, ո՛ւր ես եկել ինձ
մօտ, կ'այրեմ քեզ:

— Այրի՛ր, ասում էր ծառը.— կ'այր-
ւեմ այստեղ, բայց կ'այրւեմ բարձրու-
թեան վրայ...

Այդպէս էլ եղաւ:

Մի չարագուշակ փոթորկալից գի-
շեր քամիները ճղակոտոր արին նրան,
հեղեղը մերկացրեց նրա արմատները և
այրող, նախանձոտ կայծակը եկաւ վրժ-
ժալով ու ծառի կրծքին խփեց...

Ծառը բռնկեց, սկսեց այրւել:

— Այրւ՛ում է!... քրքշաց ներքեկից
ճահճային անտառը:

—Նրա վերջն այդ էր. ասում էին
թփիկները:

—Տես՞ր, յանդ՞նգն արարած,
կանչեց մեծ կաղնին—մեռնում ես այ-
ժրմ ահա . . .

—Բարձրութեան վրայ! . . մրմնջաց
ծառը:

Եւ խոր ու խաւար գիշերւայ մէջ,
նրա բոցը փայլում էր հեռւից՝ մի կրա-
կոտ աստղի նման— նա ճարճատում էր,
ծուխ-մուխ արձակում, իր մահը խըն-
կում. մահ այդքան շքեղ, այդքան
բարձր. և հողը նրա շուրջը կարծես
տեղ էր բաց անում, ընդունելու իր
ծոցի մէջ նրան, որ բարձրի ձգտեց և
բարձրութեան վրայ էլ մեռաւ . . .

1901 թ.



« Ազգային գրադարան



NL0363866

Հ Ո Յ Ս Ե Ն Տ Ե Ս Ե Լ

- | | |
|---|-------|
| 1. ԹԱԹԱԽՄԱՆ ԴԻՇԵՐ, պատմ. զրոյց
Լեօի. 2-րդ տպ. (սպառւած) | 5 կ. |
| 2. 26 ՏՂԱՄԱՐԴ ԵՒ 1 ԱՂՁԻԿ, վէպիկ
Մախիմ Գորկիի. Թարգ. Մուշէ
Վարդապետի | 5 կ. |
| 3. ԽԵՆԹԸ և ուրիշ զրոյցներ, Վ. Փա-
փաղեանի (սպառւած) | 10 կ. |
| 4. ԿԵՆՏՆԻ ԴԱՍԸ. պատմւածք Ս. Սա-
տկեանի. 2-րդ տպագր. | 5 կ. |
| 5. ՍՊԻՏԱԿ ԾԱՂԻԿ. Նովելա, Էլ. Օ-
ժէշկօի Թարգմ. Ս. Շանվերդեանի | 5 կ. |
| 6. ԱՐՏԻՍՏԸ, վէպիկ Շիրվանդադէի | 15 կ. |
| 7. ԵՂՕԻ ՔՈՒ ԲԱԽՏԸ, պատմւածք
Շանբարի (սահաւաթիւ) | 3 կ. |
| 8. ԵԱՊՕՆԻԱ, (Հասնաստ տեսութիւն)
Խ. Խաչատրեանի | 3 կ. |
| 9. ԴԱՆԿՕԻ ՍԻՐՏԸ, Մակսիմ Գորկիի,
Թարգ Ա. Աթայեանի | 3 կ. |
| 10. ԻՄ ՈՒՂԵԿԻՅԸ, Մակսիմ Գորկիի
Թարգ. Ա. Աթայեանի | 10 կ. |
| 11. ՄԵԾ ՓԱԿԱՆՔ և ԱՌԻԻԾԻ ՄԱԸԸ
Վ. Փափաղեանի | 3 կ. |
| 12. ՊԱՅՏԱՌԻ ՀՈԳԻՆ և ԱՆԿԵՂԾ ԸՆ-
ԾԱՅ, Վ. Փափաղեանի | 4 կ. |
| 13. ԽԵԼՕՔ ԱՔԱՂԱՂՆԵՐ ԵՒ ԳՐԱԽՏԸ,
Վ. Փափաղեանի | 5 կ. |
| 14. ՍԻՐՈՅ ՀՈՎԻՏԸ, Ա. Աթայեանի | 3 կ. |
| 15. ՎԻՇԱՊ և ուրիշ զրոյցներ, Վ. Փա-
փաղեանի | 5 կ. |
- Վաճառոււմ են թիֆլիս՝ Կենդրոնական, Գուտ-
տէրերի և Կովկասեան, Բագու՝ «Մատրուզնիկ»,
Երևան՝ «Արարատ», Աստախան՝ «Գ
ընկ.» գրավաճառանոցներում, և Եւպո
Բաշիեանի մօտ:

391.99

4-31